



COMUNICAT

Damb era volentat de dar resposta as consultes e comentaris arrecebudi arraitz dera divulgacion en desparièrs mejans de comunicacion, de notícies relatives ath cambi enes condicions de parcatge nocturn e hèr net de veïculs en municipi de Naut Aran, e sustot en Nuclèu de 1500, er Ajuntament de Naut Aran, en consens damb es agents sociaus que interactúen en nòste territòri e es diuèrses institucions dera Val d'Aran, emet eth present comunicat.

Es parcatges deth nòste municipi son concebudi entà dar resposta as besonhs de parcatge transitori des visitants e vesins dera Val, en tot perméter era mobilitat entre nuclèus, en tot facilitar er accés a servicis, comèrci e ara estacion d'esquí. Eth sòn emplec coma airaus de "pernocta", sustòt es de longa durada, un usatge etath quau non a estat concebut ne projectadi, tensione aguesta mobilitat, en tot crear disfuncions, especuament en non dispausar des servicis de besonh entà garantir es condicions higienicas e sanitaries minimas requerides entà dita fin.

S'a considerat de besonh regular e ordenar es diuèrsi emplecs e besonhs que confludissen e afècten as diuèrsi parcatges deth municipi e respecte de tota sòrta de veïculs. Aguest besonh se manifèste arraitz des problemes de convivéncia gessents entre es usatgèrs en rotacion, hèr net enes veïculs en transit, hèr nets de longa durada, vesins, comerçants e treballadors. Per açò, entenem qu'ei de besonh préner mesures provisionaus, mentre se trabalhe entà cercar sollocions definitives, que possiblament auràn de contemplar era creacion d'airaus d'acampada entà autocaravanes, enes tèrmes que les conceben ena vigente Lei de Torisme.

En aguest sens, en municipi de Naut Aran:

Se delimiten dues zònes a on se permet hèr net de veïculs, sense limit orari, plaçadi un d'eri en parcatge deth camp de futbol deth Naut Aran, plaçat a 50 mètres dera carretèra C-28 e a 8 quilometres de Baquèira, a on existís era parada d'autobús e damb ua capacitat aproximada de 50 veïculs. E era dusau zòna plaçada ena entrada deth pòble d'Arties, just dempús de crotzar eth pònt deth barratge dera Garona, en ua finca propietat der Ajuntament e en ua zòna pas inundable, a ua distància de 7 quilometres dera estacion e damb ua capacitat aproximada de 40 veïculs. Ambdús nuclèus compden damb servici de transport public en toti es pòbles dera Val d'Aran plaçadi ath long dera C-28.

- En nuclèu de 1500 se delimita ua zòna ena naua perimetrau, ath deuant dera casèrna dera Guardia Civiua, destinat ath parcatge damb "pernocta", totun limitat a 72 ores.
- Respecte deth parcatge Nuclèu 1500. Se zonifique eth parcatge, en tot destinà'c a desparièrs emplecs:
 - Ua prumèra zòna, destinada ath parcatge rotatori de veïculs de mens de 5m de longada.
 - Ua dusau zòna, destinada ath parcatge d'autocars.
 - Ua tresau zòna, destinada ath parcatge diürn, (en orari de 8.00 ores a 22.00 ores), de veïculs de mèts de 5m. Destinat a zòna de neteja de nhèu en orari nocturn
- Respecte ara rèsta de parcatges deth municipi, pas engodronadi ne senhalizadi orizontaument, e d'acòrd damb era Ordenança Municipau, actuauments en periòde d'exposicion publica, s'establís eth parcatge regulat per orari, en tot èster gratuït entre es 10.00 ores e es 0.00 ores, de pagament dehòra de dit orari, damb un impòrt de 1 èuro per ora o fraccion. Eth pagament aurà de realizar-se enes parquemètres plaçadi



AJUNTAMENT
DE
NAUT ARAN
Val d'Aran (Lleida)

C/ Balmes, 2
CP: 25598 Salardú
Naut Aran (Lleida)
Telèfon: 973644030
P-2523300-H
info@nautaran.org - www.nautaran.org

enes parcatges. Entàs veïculs damb abitança fiscau en municipi de Naut Aran eth parcatge serà de franc es 24 ores.

En cadun des parcatges se plaçaràn es usatges permetudi e es instruccions entà era corrècta utilizacion d'aguesti espacis. Pregam adequacion enes madeishi, e eth maxim respècte entà toti es sòns usatgèrs e er entorn.

Fin finau cap rebrembar qu'era acampada liura ei proïbida en tot eth territòri, coma n'ei era "pernocta" ad laguens des espacis d'especiau interés mieiambientau, coma son es parcatges plaçadi enes zònes nautes deth nòste municipi.

Salardú, Naut Aran, noveme de 2023
Equipa de Govèrn der Ajuntament de Naut Aran

AJUNTAMENT DE NAUT ARAN